

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-5424-12/21

Datum: 12.11.2021. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 72. stav 3. tačka d) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3591 od 18.06.2021. godine, u postupku javne nabavke rukavica za barutni test, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U
o dodjeli okvirnog sporazuma drugorangiranom ponuđaču

I

Poništava se Odluka o izboru najpovoljnijeg ponuđača i dodjeli okvirnog sporazuma broj: 02-11-4-5424-6/21 od 06.09.2021. godine za nabavku rukavica za barutni test za potrebe Uprave policije Ministarstva unutrašnjih poslova Kantona Sarajevo, kojom je okvirni sporazum dodijeljen ponuđaču Derby Trade d.o.o. Brčko.

II

Nakon što prvorangirani ponuđač nije, u ostavljenom roku, dostavio bankarsku garanciju za dobro izvršenje ugovora, na osnovu člana 72. stav 3. tačka d) Zakona o javnim nabavkama („Službeni glasnik Bosne i Hercegovine”, broj 39/14) u postupku javne nabavke roba provedenog putem konkurentskog zahtjeva za dostavu ponuda – nabavka rukavica za barutni test za potrebe Uprave policije Ministarstva unutrašnjih poslova Kantona Sarajevo, dodjeljuje se okvirni sporazum drugorangiranom ponuđaču Shot d.o.o. Zenica za ukupnu cijenu ponude, nakon provedene e-aukcije, u iznosu od 8.000,00 KM bez PDV-a.

III

Ovom odlukom se utvrđuje da je zaključeni okvirni sporazum broj: 02-11-4-5424-8/21 od 21.09.2021. godine i na osnovu njega zaključeni pojedinačni ugovor 02-11-4-5424-9/21 od 08.10.2021. godine sa ponuđačem Derby Trade d.o.o. Brčko apsolutno ništav i ne proizvodi nikakvo dejstvo.

IV

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru i dodjeli okvirnog sporazuma drugorangiranom ponuđaču. Prijedlog okvirnog sporazuma o nabavci dostavit će se na potpis izabranom ponuđaču Shot d.o.o. Zenica po isteku zakonom predviđenog roka od dana od kada su svi ponuđači obaviješteni o izboru i dodjeli okvirnog sporazuma drugorangiranom ponuđaču.

V

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tački 12. tenderske dokumentacije, a koje se odnose na član 45. stav 2. tačka od a) do d).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Izabrani ponuđač je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav 1. tačka a), čime se oslobađa obaveze naknadnog dostavljanja istih.

VI

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-5424/21 od 23.07.2021. godine i Obavještenja o nabavci broj: 16475-7-1-51-3-77/21 od 29.07.2021. godine, proveden je postupak javne nabavke za sukcesivnu nabavku rukavica za barutni test za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-5424/21 od 18.08.2021. godine, za aktivno učešće u postupku dostavljene su ponude ponuđača Derby Trade d.o.o. Brčko i Shot d.o.o. Zenica.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-5424-5/21 od 03.09.2021. godine.

Pregledom i detaljnom analizom dostavljene dokumentacije ponuđača, Komisija je utvrdila da sve dostavljene ponude sadrže sve elemente tražene tenderskom dokumentacijom, odnosno da ispunjavaju sve formalno – pravne, ekonomske i tehničke uslove, te da shodno utvrđenom kriteriju “najniža cijena”, ispunjavaju sve zahtjeve ugovornog organa, te je u skladu sa obavještenjem o nabavci i u skladu sa odredbama Pravilnika o uslovima i načinu korištenja e-aukcije ista i provedena.

Nakon provedene procedure e-aukcije, kao najpovoljnija ponuda je izabrana ponuda ponuđača: Derby Trade d.o.o. Brčko.

Odluka o izboru najpovoljnijeg ponuđača i dodjeli okvirnog sporazuma broj: 02-11-4-5424-6/21 od 06.09.2021. godine zajedno sa Zapisnikom o pregledu i ocjeni ponuda broj 2-11-4-5424-5/21 od 03.09.2021. godine je dostavljena svim ponuđačima u ovom postupku javne nabavke.

Nakon provedenog postupka, ugovorni organ je zaključio okvirni sporazum za sukcesivnu nabavku rukavica za barutni test broj: 02-11-4-5424-8/21 od 21.09.2021. godine i na osnovu njega zaključen je pojedinačni ugovor 02-11-4-5424-9/21 od 08.10.2021. godine sa ponuđačem Derby Trade d.o.o. Brčko. Prema članu 3. ugovora, ponuđač je imao obavezu da u roku od 10 dana od dana obostrano potpisanog ugovora dostavi garanciju za uredno izvršenje ugovora u obliku безусловne bankarske garancije u iznosu od 5% od vrijednosti ugovora. Kako je taj rok istekao 30.10.2021. godine, a na protokol ugovornog organa nije dostavljena tražena bankarska garancija, te je ugovorni organ u skladu sa članom 72. stav 3. tačka d) Zakona o javnim nabavkama potpisani okvirni sporazum i na osnovu njega zaključeni pojedinačni ugovor proglasio apsolutno ništavim, te donio odluku o dodjeli okvirnog sporazuma drugorangiranom ponuđaču Shot d.o.o. Zenica.

Cijeneći naprijed navedeno, a u skladu sa članom 72. stav 3. tačka d) Zakona o javnim nabavkama („Službeni glasnik BiH“, broj: 39/14), Zapisnikom o ponovnom pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a